

**935.**

1448 Februar 24

***Nickel Kolir bekennt eine Schuld und verpfändet einen Garten.***

*fol. 172v* <sup>(a)</sup>Nickel Kolir hat bekanth, daz Andres Nuwirtten seligin gelaszin kinde an dem garten bey <sup>(b)</sup>Mertin Rudeler<sup>(b)</sup> schuldig sey funff ß gr 15 heller gr. Dy selbe schuld er mit dem garten vorphant hat, dy er dem kinde addir Nickel Nuwirt, synen vormunden, wenne daz kinth zu synen mundigen tagen komet uszrichten sal. Ab er daz nicht tete, daz sich daz kinth addir seyn vormunde obgnant sulcher geschr(iebenen) schuld vor ydirmenlichen doran irholen sal. Actum die quo supra.

*a) alles durchgestrichen b-b) über die Zeile geschrieben, ersetzt durchgestrichen der Goldmanin*

**936.**

1449 Oktober 4

***Hans Kaufmann bekennt eine Schuld und verpfändet Haus und Garten.***

*fol. 172v* Hans Kaufman hat bekanth, daz er <sup>(a)</sup>der Kesteln,<sup>(a)</sup> synir swygir, und irin czweyn kindern an dem husze und garten vor dem obirn thor an dem graben gelegin noch schuldig sey 23 alde ß meisner gr, daz er bynnen vier jaren uszrichten und bezalen sal. Ab er daz nicht tete, do hat er on sulche schult mit dem selben husze und garten vorphant, ab er an der bezalunge sumig wurde, daz sich dy genante frauwe und ir kindir vor ydirmenlichin doran irholen sullen. Actum sabbato post Michaelis anno etc. XLIX.

*a-a) über die Zeile geschrieben*

**937.**

1449 November 2

***Die Frau von Kunz Kessler verkauft ein Haus.***

*fol. 173r* Kuncz Kesseler, unsers burgers, eliche wirtin hat bekanth, daz sy Peter Haszin vorkauft hat daz husz, in der Korngassen gelegin, und gegeben vor 17 ß nuwe gr, daz er ör wol czu dangke uszgericht und bezalt hat. Ubir sulchin kauff hat sy òm vor irin eewirt und ire kindere gesaczt czwene werburgen, nemlichin Lorencz Goltsmid, iren brudir, und Lorencz Kessler, irin swager, dy vor dy were selbschuldiklich gereth haben, ab er von ymandis umbe sulch husz angelangit und betedingit wurde, daz sy òn bey